

**Stefna
sveitarfélaga
á Norðurlandi vestra
um sameiginlegt starf að
menningarmálum**



**Tillaga nefndar um mótun menningarstefnu
Maí 2016**

Inngangur

Í þessu skjali er sett fram sameiginleg stefna, markmið og leiðir sveitarfélaganna á Norðurlandi vestra til að vinna að menningarmálum í landshlutanum. Sameiginleg stefna í málaflokknum er forsenda fyrir samstarfi sveitarfélaganna á þessu sviði.

1. Heildarskipulag menningarmála á Norðurlandi vestra

Stefna:

Lítið er á Norðurland vestra sem eina heild við skipulag og uppbyggingu menningarstarfs. Sveitarfélögin á Norðurlandi vestra stefna að öfluglu menningarstarfi og leggja með því áherslu á að fjölbreytt menningarlíf sé mikilvægur þáttur í því að skapa góð atvinnu- og búsetuskilyrði í landshlutanum.

Markmið:

- ✓ *Að veita nægilegu fjármagni til menningarmála á Norðurlandi vestra.*
- ✓ *Að efla samstöðu innan landshlutans.*
- ✓ *Að koma menningarstarfi á Norðurlandi vestra á framfæri við íbúa svæðisins, sem og aðra þá sem sækja landshlutann heim.*

Leiðir:

Sveitarstjórnir á Norðurlandi vestra skilgreini menningarmál sem eitt af mikilvægum verkefnum sveitarfélaga og líti á málaflokkinn sem lið í að bæta atvinnu- og búsetuskilyrði á svæðinu.

Menningarstarf á Norðurlandi vestra verði kortlagt og kynnt innan svæðis og utan. Samtök sveitarfélaga á Norðurlandi vestra (SSNV) sjái um gerð og framkvæmd menningarhluta samnings um Sóknaráætlun Norðurlands vestra 2015-2019.

Framkvæmd:

SSNV og sveitarfélögin á Norðurlandi vestra.

2. Samstarf og samvinna

Stefna:

Stefnt skal að því að efla samstarf menningarstofnana, áhugafólks, fyrirtækja, félagasamtaka og sveitarfélaga á sviði menningar og lista.

Markmið:

- *Að efla samkennd íbúa og stuðla að jákvæðari ímyndarsköpun.*
- *Að treysta grundvöll og hvetja til samstarfs stofnana, áhugafólks og samtaka á sviði menningar á Norðurlandi vestra.*
- *Að hvetja til þátttöku fyrirtækja og einstaklinga í menningarverkefnum.*

Leiðir:

Unnið verði að því að þróa samstarf í landshlutanum með skipulagningu, fundum og kynningu á menningarviðburðum og möguleikum.

Markvisst verði unnið að því að efla vitund íbúanna um fjölbreytt framboð menningarviðburða á öllu svæðinu og hvetja til aukinnar þátttöku.

Athygli almennings verði vakin á listnámi, námskeiðum og ráðstefnuhaldi um menningarmál.

Lögð verði áhersla á samvinnu safna og annarra menningarstofnana á Norðurlandi vestra. Unnið verði að því að hvetja til þátttöku styrktaraðila að menningarmálum á Norðurlandi vestra.

Framkvæmd:

Sóknaráætlun Norðurlands vestra (SSNV), menningarnefndir sveitarfélaga, forstöðumenn safna og annarra menningarstofnana.

3. Stefna í einstökum flokkum menningarmála

3.1. Saga, minjar, söfn

Stefna:

Menningarstofnunum verði gert kleift að varðveita og nýta menningararf svæðisins. Styrkja skal rannsóknir og úrvinnslu heimilda og kynningu á minjarfi. Söfn og setur verði hvött til samstarfs við rannsóknir og kynningu á menningararfi.

Markmið:

- *Að efla varðveislu menningararfs og gera hann aðgengilegri.*
- *Að efla innra starf safna.*
- *Að efla rannsóknir, útgáfu og kynningu.*
- *Að efla samstarf safna, setra og sýninga á svæðinu.*

Leiðir:

Setja á fót samstarfsnefnd með fulltrúum starfsmanna allra opinberra safna (í eigu sveitarfélaganna). Nefndin hafi það hlutverk að skoða möguleika til samstarfs milli safnanna, við höfuðsöfnin og þá aðila sem sinna menningarferðaþjónustu.

Efla byggða- og skjalasöfnin til húsakannana, rannsóknna, fornleifa- og örnefnaskráninga og gera áætlun um verndarsvæði í byggð.

Efla varðveislu menningarminja á svæðinu og forgangsraða með tilliti til aðgengis.,

Framkvæmd:

SSNV, forstöðumenn safna, menningarnefndir sveitarfélaga.

3.2. Hátíðir, verkefni, viðburðir

Stefna:

Stefnt skal að því að efla menningarhátíðir á Norðurlandi vestra og kynningu á þeim.

Stefnt skal að því að veita aðstoð við framkvæmd menningarviðburða og verkefna á sviði menningar og lista.

Markmið:

- ✓ *Að styðja við frumkvæði og framtak á sviði menningar sem hópar, stofnanir, fyrirtæki, samtök og einstaklingar standa fyrir.*
- ✓ *Að stuðla að fjölbreytni og gæðum menningarstarfs.*
- ✓ *Að tengja menningarstarf við atvinnulíf og fræðslustarf eftir því sem við á hverju sinni.*
- ✓ *Að allir íbúar Norðurlands vestra fái tækifæri til virkrar þátttöku í menningarlífi.*

Leiðir:

Hvatt verði til samvinnu við ferðabjónustuaðila vegna gesta sem heimsækja svæðið í tengslum við menningarviðburði.

Þeir sem standa að menningarstarfi á svæðinu njóti aðstoðar við fjármögnun og framkvæmd viðburða og verkefna.

Stutt verði við bæjar-, menningar- og listahátíðir og kynningarstarf samræmt.

Hvetja skal til verkefna sem tengja saman ólíka hópa, hafa fræðslugildi og efla vitund um menningarlegt gildi og sögu svæðisins.

Framkvæmd:

SSNV, forsvarsmenn viðburða, ferðamálafélög, sveitarfélög.

3.3. Listir**Stefna:**

Stutt verði við listir og listsköpun á Norðurlandi vestra.

Aðstaða til listsköpunar og sýninga verði bætt.

Markmið:

- ✓ *Að kynna listamenn sem starfa á svæðinu og verk þeirra.*
- ✓ *Að listamenn fái stuðning við að sinna list sinni og tækifæri til sýningahalds.*
- ✓ *Að almenningur á Norðurlandi vestra hafi aðgang að fjölbreyttum listviðburðum.*

Leiðir:

- Hvatt verði til aukinnar þátttöku listamanna í bæjarhátíðum og öðrum viðburðum.
- Leitað verði til sveitarfélaga, fyrirtækja og stofnana um að vista sýningar.
- Valinn verði listamaður/viðburður/verkefni á svæðinu sem hlýtur viðurkenningu árlega. Gerðar verði reglur um hvernig staðið skuli að valinu hverju sinni.

Framkvæmd:

SSNV, sveitarfélög, listamiðstöðvar og listasöfn.

4. Aðbúnaður fyrir menningarstarfsemi**Stefna:**

Góð aðstaða verði til fjölbreyttrar menningarstarfsemi á Norðurlandi vestra.

Markmið:

- ✓ *Að fullnægjandi aðbúnaður til fjölbreytts menningarstarfs sé fyrir hendi.*
- ✓ *Að nýta betur þá möguleika og aðstöðu sem til staðar er.*

Leiðir:

Hugað verði sérstaklega að því hvort nýta megi félagsheimili og önnur hús í eigu sveitarfélaganna, einkaaðila og atvinnulífs sem vettvang fyrir listafólk, gestavinnustofur og sýningarhald.

Framkvæmd:

Sveitarfélög, einkaaðilar, atvinnulífið, félagasamtök.